

eum adjuvarent, cœperunt eum vehementer increpare atque redarguere, et ei cum magna indignatione dicere : « Quid agis, miser homo ac misericordia ! Nonne comburentem atque devastantem omnia ignem copiosum ad tui perniciem venire cernis ? Permitte, obsecramus, ut alii ad exsoliandam domum ingrediamur, alii super tectum ascendamus, ut vel sic domum tuam et omnia bona tua ab igne, Deo volente, eripiamus. » Quibus ille ait, ut erat magnæ fidei et probitatis vir, quasi subsannando et increpando respondit : « Videte, charissimi, videte ne feceritis, confido in Deo, quia dominus mea, Deo auxiliante, et beato Stephano succurrente, nequaquam ab isto incendio modo comburi vel devastari poterit. Recedite, recedite, aliis succurrite, mihi vero minime. Est alius quem vos nescitis vel videre potestis, qui me juvabit et dominum meam ab isto incendio liberabit. » Et iterum atque iterum clamabat cum magna voce : « Sancte Dei Stephane, mihi indigno famulo tuo auxiliare, et dominum meam que tua est ab isto igne defende. » Ad hanc vocem subito ignis ille dissolvitur, fugit, et concutitur, demus illæsa ab ipso relinquitur ; Deus vero benedicitur, et sanctus Dei Stephanus magnis laudibus extollitur. Nec mirum, quia ignis ille omnes domos devastaverat circumquaque, nec dominum illam unquam tangere potuerat, quia virtus divina illam per beatum Stephanum observaverat. Postea vero vir ille cum filio suo in Grandimonte venit, et Deo ac beato Stephano pro beneficio hujus miraculi laudes et gratias retulit, et nobis veraciter ac fideliter haec omnia rescrivit.

XXXV. Item aliud miraculum.

Accidit eodem tempore, circa festivitatem B. Lucæ evangelistæ, apud vicum S. Juniani in territorio Lemovicensi, miraculum gloriosum tali modo : Iterius de Monte-Valerii, de quo mentionem superius fecimus, quem Dominus Deus omnipotens ipso anno, per virtutem vivificæ crucis et ob amorem beati Stephani confessoris, ue ergastulo carceris liberaverat, ex improviso lethargico morbo invaditur, et fere usque ad mortem deducitur. Flebant igitur sui, et omnes nati ejus, eo quod videbant omnes tali ac tanta eum in valetudine labores. Jam enim desperabant de vita ipsius et incolumentate sui corporis. Et quid plura ? dirigunt ad

A nos nuntios, quatenus orationibus nostris apud Deum et B. Stephanum ei auxilium conferremus. Audientes siquidem in valetudinem sui corporis, graviter affligimur. Erat enim amicus noster atque consanguineus, genere quoque atque nobilitate perspicuus. Unde fratres in unum convocantes, et rem ipsam eisdem significantes, injunximus ut pro eo orarent, et auxilium a Domino postularent, quatenus, intercedente beato Stephano confessore sanctissimo, Deus et Dominus noster ei auxilium de supernis conferre dignaretur. Postmodum vero veloci cursu nuntium nostrum cum ferculis ægrotanti necessarii mittere curavimus. Cumque dominum ægroti festinus intraret, invenit eum jam positum in cinere et cilicio, ut moris est Christianus mori, amicos ejus ejulantes ac flentes, et exsequias preparantes, clericosque psalmos psallentes et canentes. Jacebat siquidem quasi mortuus, nihil penitus videns, neque audiens. Erat enim vigilia Omnitum Sanctorum. Convocans eum cum magno clamore nuntius predictus, et cum magno ejulatu, corpit ei dicere : « Domine Iteri, ecce adsum nuntius domini prioris Grandimontis, obsecro vos pro amore ipsius, et pro dilectione quam erga eum habetis, quatenus in corde vestro, si tamen ore non potestis, orationem fundatis ad Dominum, quatenus pro amore et honore beati Stephani confessoris vos ex hac in valetudine relaxare dignetur. » Et quid dicam ? ad vocem è admonitionem hujus nuntii infirmus ille corpit eum in corde invocare, et, prout poterat, beato Stephano supplicabat. Tunc omnes qui astabant similiter pro eodem orationem ad Dominum fundere non cessabant, et B. Stephanum oratione assidua deprecaabantur, ut pro ipso festinanter oraret. Facta autem oratione diutius ab omnibus, infirmus repente sanatur, vultus ejus in melius commutatur, lætus efficitur. Ita siquidem ut vestigium in valetudinis in ipsis corpore penitus non remaneret. Et qui prius flebant amici ejus, modo lætantur, eique congratulanter, et facta est lætitia magna et exultatio in illa domo die illo et deinceps. Postea vero venit sanus effectus et alacer in Grandimonte tunulum beati Stephani visitare, et ei gratias referre pro duplicato beneficio sanitatis, et liberatione carceris facta in spatio parvi temporis.

S. STEPHANI DICTA ET FACTA,

Stephani de Liciaco, uti conjicimus, jussu conscripta, et a Gerardo Iterii in Vita ejusdem a se composita inserta.

I. *Hic breviter comprehenduntur atque concluduntur virtutes conversationis atque sanctitatis beati Stephani confessoris.*

Sanctus igitur Stephanus, venerandi ordinis

Grandimontensis institutor primus, dilectus Deo et hominibus, atque eremita perspicuus, humilitatis, virginitatis, veritatis, obedientiae, abstinentiae, patientiae, fidei, spei, charitatis, prudentiae,

justitiae, fortitudinis, temperantiae, cæterarumque virtutum, ut superius prædiximus, ornatus decoratus exstitit. Parvus fuit, ut ita dicam, et magnus; humilis et altus, pauper et dives, spirituallia carnalibus, æterna temporalibus præpositus, et seipsum integre Deo sacrificavit, et propter illum solum omnia reliquit. Speciosus corpore, sed speciosior corde; gratiosus sermone, sed gravior opere; nobilis genere, sed nobilior sanctitate, forma religionis, norma perfectionis et via fuit salutis. Vigiliis, orationibus, suspiriis, gemitibus, lacrymis, genuflexionibus, jejuniis, eleemosynis vacans studiose, vita spirituali et doctrina salubri florebat et redolebat. Pennis sanctæ contemplationis frequenter sursum volabat, ardenti desiderio in celis habitabat, totum cor in Domino figere satagebat. Divinitus illuminatus alios illuminabat, cælitus inflammatus alios inflammabat, medullitus impinguatus alios impinguabat, funditus inebriatus alios inebrabat. Lorica ferrea die ac nocte induitus, armisque divinis undique munitus regnum perenne tam siti quam pluribus aliis viriliter acquisivit, et annis fere quinquaginta in proposito sanctitatis sanctissime perseverans, miles gloriosus ad regem gloriosum sine gloriose vi Iesus Februarii migravit, Stephanusque merito vocatus, quanta sit gloria et honore coronatus, non solum propriæ personæ miranda perfectio, verum etiam multiplex argumentum illæ suæ, Grandimontensis videlicet religionis, testatur et declarat.

H. De charitate ejusdem, mansuetudine, longanimitate, cæterisque virtutibus.

Sectabatur itaque vir iste sanctus, omni bonitate plenus, jugiter charitatem, mansuetudinem et longanimitatem. Diligebat Deum ex toto corde, et ex tota anima, atque ex tota virtute. Erat quoque tranquillus moribus, et serenus aspectu. Gerebat vultum placidum, moderatam speciem, ornatum aspectum, quietum sensum, animum lætum, humilem sapientiam. Semper opera bona factis amplius quam verbis ostendebat; corpus fame castigans, jejunium potius quam epulaç amans, dolentem consolans, spem suam Deo committens, orationi frequenter incumbens, nibilque amoris Dei præponens, quod credebat decebat, quod docebat imitabatur. Semper enim ante oculos ejus dies ultimus versabatur, semperque mens ejus præcepta cœlestia meditabatur. Orabat autem frequenter, quia didicerat quod oportet sine cessatione Dominum rogare. Satagebat magnopere ne secundus cuiquam in operibus bonis inveniretur. Erat etiam erga Dei famulos valde humanus atque benignus. Charitatem vero super omnia et ipse diligebat, et omnibus servare mandabat. Existebat utique in cunctis casibus firmus, omniaque adversa patienter serebat. Pericula aliena in se pertimescebat, aliorumque casus suos esse judicabat. Finem quoque vitæ suæ semper considerabat, metuens ne

A se tanquam fur hora illa inermem comprehendebat. Cum opere etiam lectioni vacabat, sciens quod lectione sensus augetur et intellectus tribuitur, et quod lectio docet quid caveatur. Erat vero erga omnes humilis, nimiumque in humilitate fundatus, nulli se præponens, nullo se superiore deputans, sciens et illud, quia si quis perfecta contentus erit humilitate, habebit ex illa gloriam; et quanto quis humilior fuerit, tanto eum altitudo gloriæ sequetur. Habet enim temperamentum in prosperis, patientiam in adversis, mentemque nec gaudio nec mœrore a Christi unquam amore revocabat. Irascentem quoque patientiam deliniebat, et blandimento iracundiam furentis temperabat, ac sic alienam miseriam tanquam suam lugebat. Eratque ei in gressu simplicitas, in motu puritas, in gestu gravitas, in incessu honestas, in jejunio hilaritas. Animus enim ejus in modestissimo corporis habitu apparebat. Erat etiam parcus in sermone, blandus in eloquio, tristem, imoque dolentem dulci consolabatur affatu. Hoc proferebat ex labiis quod mentem adfiscaret audientis, flebatque ejus sermo auditioni populi utilis. Nihil enim ex omnibus quæ egisset bonis, meritis suis tribuebat, nihilque in viribus suis unquam præsumehat, sed omne opus suum ad Deum semper conferens, in cunctis actibus ejus auxilium implorabat. Bonum quod didicerat docebat, verba tamen operibus præcedebat, sciens quoniam non est laude dignum quod docet quis, nisi dictis facta conjunxit, sed potius si quod docet et facit, tunc gloriosus habebitur. Unde et Apostolus dicit: *Ne cum aliis prædicarerim, ipsi reprobus efficiar* (I Cor. ix). Hostem præterea invisibilem orationibus et precibus repellere jugiter contendebat, pugnans ore, non gladio; orationibus, non telo, precibus, non ferro. Cunctis autem diebus, cunctis horis Dei flagitabat præsidium, ut dignus post mundi lucem posset pervenire ad bravium. Res temporales tribuebat egenis, ut per easdem mercaretur paradisi delicias. Devitabat quidem superbiam, amplectebatur humilitatem, Dei semper auxilium rogans, finem jugiter felicem postulans. Quis enim illo tempore humilitatem ejus Dcernens, non protinus compungeretur? aut quis amator pecuniae ejus humanitatem ac parcimoniam, devotionem quoque et studium aspiciens, non confestim admirando obstupesceret? Nam quidquid bonorum in principio arripuit, usque ad finem vitæ nullis negotiis passus est implicari: sed integrum et sanctum propositum servans, in nullo cœptam regulam commutavit. Sub habitu enim alterius semper alteri militavit, et quidquid habere potuit in mundo, Christo tradidit ex toto. Pollebat magis ac magis in vigiliis, in jejuniis atque in charitate. Erat enim in eleemosynis largus, in vigiliis sedulus, in oratione devotus, in charitate perfectus, in humilitate profusus, in doctrina præcipuus, in sermone paratus, in locu-

tione cautus, in conversatione sanctissimus, in nulla mundi compede catenatus, in obsequiis servorum Dei succinctus, in redemptione captivorum sollicitus, in egenorum largitione diffusus, in duris passionibus fortis, in bonis operibus hilaris, in tentatione fortissimus, in hospitalitate latissimus. Inter opprobria securus, inter odia beneficus, in prosperis etiam et in adversis cœlo semper intentus. Non enim poterat in eo invenire humani generis inimicus nec quod fraude deciperet, nec quod simulatione fuscaret. Sinceritatem quidem mentis vultus serenitate monstrabat, et pietatem clementissimi cordis ostendebat in lenitate sermonis. Nihil quippe ejus animo clementius, nihil illius severitate jucundius, jucunditate nihil severius, nihil risu gravius, nihil prorsus tristitia suavius. Si pauperem vidiisset, sustentabat; si divitem, ad benefaciendum cohortabatur, Deum testem invocans pro ejus nomine cuncta hæc se facere. Totus etenim visceribus charitatis affuebat vir iste sanctissimus; crucem Dominicau mente et corpore bajulans, unum sollicitus erat omnino, peccatores ad viam veritatis reducere. Quoties enim aliquem inveniret verbum Dei audire volente, non causa cibi, vel causa somni, non frigus aut æstus retardabat ab hoc opere Christi. Diversis itaque diversa monita salutis dare providebat, verbis suis, ut attentius audirentur, convenientia inducens ænigmata, quasi mel in cera reclusum prætendens, ita dicendo quibusdam:

III. De consiliis quibusdam datis (23).

« Plures sunt quibus hoc convenit, ut bona quæ faciunt operentur, præcipue cum perditionis credulitate. Quisquis enim detinetur in aliquo crimen, tamen idcirco cessare non debet a bonis operibus, imo festinantius studeat bona peragere quantumcunque poterit. Hoc autem credit sine dubio, et cogitet incessanter in corde suo dicens: « Domine Deus, hæc bona facio; sed tamen non dubito me damnari sine fine, si moriar in crimen. Tali vero intentione solummodo bonum istud operor, ut mea resurgere ab iniuitate mea. » Et hæc est, inquam, utilis credulitas perditionis. Nam si peccator assidue talia meditabitur, quantocius per hunc cogitatum a pravitate liberabitur, et bona quæ fecit dum in crimen permansit, reservata fideliter erunt sibi a Domino, quæ non habuisset, si tunc agere dimisisset. »

IV. Quale consilium militibus ad rapinas currere volentibus dabit (24).

Militibus quoque consilium super rapina petentibus ista dicebat: « Frater mi, si volueris, cuni ad rapinam incedis, Christum potes lucrifacere. Sed hoc in primordio versetur in corde tuo, ut sic voveas Domino: Deus meus, vadam illuc, non ut alicui noceam, imo tuum militem solummodo in hac via me deputo, quærens salutem omnibus pri-

A vatis et extraneis. Interca cum domini tui terreni necessitate coactus tantum illuc ieris, curre prior quasi raptor, et quoscumque videris, fac ut ipsi fugiant; vel si capiendi sunt ab aliis, prius illos apprehende, ut postmodum liberos dimittere valeas. Et ecce Christi monachus sub clypeo es absconditus, dum observaveris istud. »

V. Item ne aliquis de rapina eleemosynas faciat.

« De rapina vero cave ne facias eleemosynas, quia majus est peccatum cum pauperibus offertur, nisi tantum conquerentibus, quam cum auferretur ipsis possidentibus. Credebas etenim veraciter te in rapiendo peccasse, sed de hoc quod obtulisti putas esse absolutus. Deus autem sic acceptat tale sacrificium, quemadmodum intersecto unico filio tuo B acceptares sanguinem, si cum aureo scypho tibi propinaretur. »

VI. Qualiter clericos et sapientes viros ut bene ageant instruebat.

Præterea clericos et sapientes viros juxta scientiam illorum et conversationem aliter admoniebat, non scmetipsum per doctrinam exaltans, sed semper in humilitate deprimens. Unde cuidam sapienti, consilium sub tentatione petenti, tale fertur dedisse responsum: « Nunquid in corde tuo, domine mi, cogitasti quod rectum esse judicares, et, dum cogitas, placeres? — Utique, » respondit ille. « Rurus in animo tuo quidquam meditatus es quod in iustum sine dubio tibi prorsus appetet? » Iterum ait: « Etiam. » Tandem inquit homo Dei: « Habes igitur in te ipso quod quæreris ab alio, ut compleas opere quod rectum mente discernis. » Tunc sapiens ille congruenter subdidit: « Nequaquam hic solus habitas, plures sunt socii tui, Dominus et angeli. »

VII. Qualiter viros religiosos adjustitiam informabat.

Religiosorum quoque mores ad justitiam informabat, dicens eis competenter: « Cavete, fratres, ne mundum ametis. Si sæculum sequamini, nequam assequemini. Si fugiatis ab eo, veniet post vos, compellente Deo. » Insuper dicebat discipulis suis: « Quamvis sufficienter religiosos viros procurare nequeamus, trahendi sunt tamen ad hospitium; quoniam ipsa paupertas est utilis, et honesta sufficientia nostra. Alioquin si dirigimus eos alibi ad hospitium divitis, subvenientibus erit lucrum quod a nobis removimus. Ea vero nocte qua nobiscum conversantur, in laudem Dei a sæculo custodiuntur. »

VIII. Qua ratione meretricibus et histrionibus bona temporalia largiebatur.

Denique meretricibus atque histrionibus sua libenter etiam corporalia cum spiritualibus impendebat, dicens super hoc negotio: « Peccator veniens ad nos, si verba crudelitatis audierit, Deum crudellem existimans, iniurati suæ gravius adhæredit. Facilius autem obedit annuntianti animæ suæ salutem, si prius accipiat corpori necessaria.

(23) Confer cap. 57 *Sententiarum*, Infra.

(24) Confer cap. 63 *Sentent.*

Multi enim peccant ut inopiam suam expellant, A quamvis pauperiores, non ditiōres, per scelerā fiant. Unde si spiritualia ministranda sunt illis, ut ab errore liberentur, multo magis temporalia danda sunt ipsis, ut Christo famulentur, qui misericorditer, non ignoranter, exspectat eos ut convertantur. At per hoc factum sapientes agnoscere possunt quantum B. Stephanus Paulum secutus apostolum, supererogabat aī sananda vulnera illius qui incidērat in latrones (*Luc. x.*), sed admirabili charitate peccatores retrahebat ab iniūtate, dicens eis benignissime, cum videret pœnitentes aliquantulum trepidantes: « Frater mi, ne terreas, Deum vincere non potes, ut plus valeas peccare, quam ipse dimittere. Parva sunt peccata tua, cum convertaris ad Deum. Si meis adæquarentur, amplius aggravari sis. Certe Petrus apostolus nondum fraudes diabolicos perfecte cognoverat, cum Christum interrogaret, utrum fratri peccanti septies dimitteret: sed Jesus multiplicavit veniam, non attendens discipuli ignorantiam (*Math. xviii.*). » Talia pœnitentibus dicebat; obstinatis autem et defendantibus se rigidus erat, non discedens tamen a modestia.

X. Qua ratione confraternitates sacerdotalium hominum vitabut.

Interea gratia familiaritatis rogabatur a quibusdam, ut pre redēptionē animarum et utilitate pauperum permitteret ibi fieri conjunctionem hominum quæ vulgo solet appellari convivium fratrum: quod cum attentius investigaverat, tanquam ipse penitus ignoraret, solerter requirens quoties in anno, referentibus et quasi docentibus cavens a cupiditate, nolens perdere quietem viriliter respondebat: « Vos annuum consortium instituere monetis, nos autem continuum illud observare nitimur. Quid enim aliud agimus quotidie nisi opera publica? Bona nostra, si qua sunt, communia sunt omnibus. Scitote quoniam fratrum orationibus alias prolixiores superaddere nequimus. Quid igitur amplius vobis promittamus, ut vestra magis accipiamus, quandoquidem alia non daremus? » Postmodum discipulis suis populi petitionem secreto declarabat dicens: « Sic et sic admonent nos, ignorantes eisdem, sub specie bonitatis fieri Simoniacos; sed absit a nobis divinum vendere officium! Opus est enim mercenarii tunc orare cum aliquid datur, et a precibus cessare cum nihil datur. »

X. De distributione eleemosynarum.

De pauperibus autem exterioribus quanta cura semper huic viro fuerit explicare non possumus. Destinaverat enim in corde suo jactans cogitatum suum in Domino, singulorum eleemosynas, prout ab aliis accipiebat, distinctis fideliter reponere loculis, dicens tribuentibus: « Ut quid nos, frater, oneras? » Deinceps a nobilibus clericis accepta inunera pauperibus ejusdem ordinis reddere sollicitus erat, discrete sciens quid orphanis, aut viduis, aut aliis universis deberet tribuere, ne maledictus esset opera Dei faciendo negligenter.

XI. De differentia eleemosynarum.

Sed quæ de ipsa parochia suscipiebat, pauperibus ejusdem parochie ubi habitabat, non extrancis impendebat, hanc proponens rationem: « Nos in locum istorum pauperum venimus aliunde, eleemosynas debitas illis suscipientes, quas, si possumus, oportet eisdem reddere. »

XII. Qualiter se habebat erga pauperes.

Quandoque vero die advesperascente, cum multitudo nobilium virorum qui venerant eum audire discesserat, egenorum turba eum eo remanebat. Tunc piissime paralyticos tanquam fratres osculabatur, respondens discipulis suis admonentibus eum, ut ad ipsos fatigatus non ingredetur: « Modo cum Christus advenit, me recedere dicitis, qui hodie moratus sum cum sæculi hujus potentibus. Absit hoc a me dedecus, ut Christo non accurram! Veritas enim quæ fallere vel falli non potest, nunquam pauperes suos in vanum direxisset huc, nisi sciret aliquid apud nos esse quod eis conferri posset. Ubi vero tot nuntios inveniremus modo quos mitteremus ad ipsos, ut deberemus facere, nisi Christus adduxisset, qui solus eligere novit? » Nemo etenim ab eo pauperum vacuu reversus est aliquando, illud jugiter mente replicans, quod Dominus in Evangelio dicit: *Beati misericordes, quoniam ipsi misericordiam consequentur* (*Math. v.*): necnon et illud: *Sicut aqua extinguit ignem, ita eleemosyna extinguit peccatum* (*Ecli. xxxiii.*). Et illud: *Verumtamen date eleemosynam, et ecce omnia munda sunt vobis* (*Luc. xi.*). Nam sicut de beato Job dicitur, janua ejus omni venienti patebat; sic et ipse cum Job posset voce libera proclamare: *Ostium meum viatori patuit* (*Job xxxi.*). Erat pes claudorum et oculus cæcorum, orphanorum pater, ac viduarum consolator, quique non carcere clausis, non ægritudine fatigatis, unquam suum, in quantum facultas suppeditavit, negavit auxilium; sed omnibus misericorditer consulens miseris præbuit admiculum. Quem enim cæcum non suum vocavit haeredem? Aut quem debilem non sustentavit manus. Fores quippe ejus a miseris erant obssesse, et in his Christum conspiciens, eos amplecti gestebat, atque his indumenta tribuens, Christi sub inopis ueste se tegere membra credebat. Hoc certe se reputabat perdere quidquid eleemosyna non assumeret. Id se tutissime congaudebat recordere, quod egentium sibimet dura necessitas auferret. Valde quippe devotus in eorum usibus substantiæ exaggerabat pondus, ut quo pauperior sæculo esset, locupletior Deo fieret. Considerabat quidem quia quotidie deesse non potest quod peccetur, ideo nec quotidiane eleemosynæ deessent quibus piamina tergerentur. Et ob hoc cum Domino suo pecuniam dividens substantiam gaudebat sociare cum Christo, faciens eum sibi possessionum terrestrialium participem, ut et Christus faceret illum sibi regnorum cœlestium cohæredem. Illi scilicet assignabat facultates, ut ipse esset custos perpetuus, sciens quod patrimo-

nium Deo creditum nec res publica eripit, nec si-
scus invadit, nec calumnia aliqua forensis evertit.
Sciens etiam scriptum esse quod ea bene hæreditas
reconditur quæ Deo custode servatur. Hujus nam-
que apud suos monita nihil fuerunt aliud quam
magisteria divina, fundamenta scilicet corroboran-
dæ fidei, nutrimenta fovendæ animæ, gubernata
cula dirigendi itineris, præsidia obtinendæ salutis.
Dignum ergo est ut eum religiosi imitentur et dili-
gant, plebs colat, noxii timeant, quem ita divina
virtus illustravit, ut sub laicali etiam habitu habue-
rit a Deo collata dona doctrinamque mellifluam, et
Spiritu sancto conditam, desiderio Christi salutem,
de æterna beatitudine sollicitam. Quique sic reli-
giosus exstitit ac timens Deum, ut sœculi oblitus
dignitates, omne consortium cum egenis et religio-
sis haberet.

XIII. Item de eodem.

Sed inter cætera semper foenerabat pauperibus
pauper sine foenore, et viduis ac pupillis consolator
existebat, viduae nimirum Sareptensis imitator
(III Reg. xvii). Ipse plerunque esuriens sui juris
substantiam Christi visceribus erogabat. Si infir-
mum vidisset, clementer consolabatur. Si in Dei
quempiam amore ferventem, cohortabatur ad stu-
dium. Si quispiam ad eum æger devenisset, ita ejus
fovebatur ministerio, ut nec delicias urbi, nec
matris desideraret affectum. Tantum itaque ad ob-
sequia debilium se ex devotione disfluderat, ut multi
pauperum sani languentibus invidenter, atque ita
ob Christi amorem eorum assidue curam gerebat,
ut omnes pauperes eum quasi patrem se habere
proprium lætantur. Sciebat enim quod in Lazaro
aliquando dives purpuratus non fecerit, qualique
superba mens retributione damnata sit (Luc. xvi).
Idcirco magis ac magis erga omnes se misericor-
dem ostendens, clementer miseris jugiter succurre-
bat. Quo enim dolente non doluit, vel quo pereunte
non gemuit? Quem nudum vel verecundum non
ejus vestimenta texerunt? Vel quas pro spe æter-
nitatis non pertulit angustias? Famem scilicet et
sitim. In tali itaque proposito perseverans, præbuit
se in futurum vas electionis et utile Deo ad omne
opus bonum paratum. Rutilabat quidem specie,
robustus erat virtute. Sic se præbhat quasi quoti-
die moriturum, idcirco repugnantem carnem in-
edia subjugabat, et ultricies gehennæ sæva tormenta
præveniens, ipse sibi persecutor existebat et tortor.
Nam si contulisset sors temporis, cupiebat martyr
fieri pro nomine Conditoris. Sed quanquam cum
pugno persecutor eum non transfixerit, quotidiani-
num sibi libens ipse martyrum indixit. Fuitque ei
fames pro ungula, sitis pro flamma, mundi cala-
mitas pro bestiis, abstinentia pro craticula; qui
sub imagine martyrii veluti catena rigentis ferri,
sic dura lege constrictus semetipsum sibi abnegavit,
ut Christum sibi lucrifacere posset, illum deside-
rans, illum ingenti aviditate sitiens, qui pro amore
hominis homo factus est, et ut nos ad cœlum tra-

A heret, de sinu Patris in terram descendit, eique
omnem sui laborem, omnemque dilectionem insun-
dens, bonam terram sui cordis iugi cultu indesi-
centibus exercitiis excolebat. Et veluti quis esuriens
ac sitiens, sic ille aviditatem quandam sustinens,
illud crebrius Psalmistæ dictum voce flebili conque-
rebatur: *Quis dabit mihi pennas sicut columbae, et
volabo et requiescam?* (Psal. LIV.) Et illud: *Quando
veniam et apparebo ante faciem Dei?* (Psal. XLII.)
Et illud Salomonis: *Post te in odorem unguento-
rum tuorum curremus* (Cant. 1). Porro sectabatur
in omnibus mansuetudinem et fidem, ne non et
charitatem perfectam, quæ spiritualis ædificationis
est vinculum. Studebat se vas sanctificatum exhibere,
ut habitatorem Deum in mentis suæ hospitio
posset recipere. Salutaribus quoque actibus jugiter
erat occupatus, ut quotiescumque tentator accederet,
quoties hostis callidus aditum quereret, clausum
semper adversum se pectoris ostium inveniret.
Orabat frequenter, secundum Apostolum, *pro omni-
bus hominibus, pro regibus, et his qui in sublimi-
tate sunt, ut quietam et tranquillam vitam agerent
in omni pietate et charitate* (I Tim. II), sciens, se-
cundum eumdem Apostolum, hoc bonum esse et
acceptum esse coram Salvatore nostro Deo, qui om-
nes homines vult satros fieri et ad agnitionem verita-
tis venire (ibid.).

XIV. De extollentia viri justi.

Quid plura loquendo immorer? In omni conver-
satione sua quasi Lucifer inter astra refulgens,
instar magnæ lampadis micabat. Semper enim
perfectos æmulabatur ad bonum. Semperque alio-
rum virtutes sibi proponebat ad exemplum. *Tardus*
erat ad loquendum, secundum apostolum, et *velox*
ad audiendum (Jac. 1), eratque sermone subtilis,
humilitate sublimis, eleemosynis divcs, charitale
longanimis, vigil in jejunio, promptus eloquio, fla-
grans studio sanctorum Scripturarum, nempe ut
utile vas in Christi domo. Ad miserorum eloquium
non piger, ad orationem paratus, ad eleemosynam
profusus, ad tribuendum largissimus, mansuetudi-
nem colens, paupertate valde gaudens, bonitatem
tenens, puritatem cordis semper amplectens, omnia
omnibus prædicans, cui non fuit aliud vivere nisi
Christum cum dilectione timere, et cum timore di-
ligere. O vere felicem sœculi inimicum, cui mundus
tantopere fuit crucifixus et ipse mundo. Qui
ita sapientia exstitit pervigil, lenitate placabilis, ut
et serpentis astutiam cum discretione gereret, et
columbae simplicis animum non amitteret. Cujus
quidem in mente virtutum omnium decorum collo-
cavit valde sobrium sapientia domicilium, vere
dignissimum in quo Dominus habitaret templum,
jejuniis mundum, orationibus ornatum, puritate
refertum, vigiliis exercitatum. Quis enim esset ita
obstinatus qui ejus modestiam intuens, non con-
festim admirando obstupesceret? aut quis arrogans
sobriam ejus vitam considerans, non illico ad æqui-
tatem semetipsum converteret? Crescebat nimisrum

in eo quotidie opinio famularix virtutum. Seminabat in plebem veritatis verba fructu fidei redundans, sufficiente sale condita, et velut aromaticis unguentis infusa. Tantquam speculator etenim a Domino constitutus prædicabat verbum cum omni auctoritate. Instabat, secundum Apostolum, *opportune, importune* arguens, obsecrans, increpans in omni patientia et doctrina (II Tim. iv), suavem semper habens de his quæ Dei sunt vel allocutionem plebis, vel collationem fraternalę familiaritatis.

XV. Item de eodem.

Sane si quem vidisset peccatis noxiis vulneratum et sagittis diaboli confluum, mox adhibebat dignas curationes sermonum et verbi Dei salubre medicamentum, ostendens contra vulnera incensoris salubre malagma confessionis. Indiscipline quoque et transgressiones suorum a regula honesta et recta arguerat clementer, et tolerabat patienter. Eratque in eo mira in cunctis operibus discretio, et immutabilis erga omnes dilectio. Erat ergo Stephanus opere castus, in fide Catholicus, charitate diffusus, interpretationibus cautus, in fide firmissimus, in operibus bonis promptius, in sermone verissimus, in iudicio justus, in consilio providus, in bontate conspicuus, in charitate præclarus, Deo sedule serviens, errantes corrigens, correctos sovens, obstinatos spernens, humiles semper diligens. Exuberabat quoque in eo constantia fidei, puritas dilectionis, sinceritas pacis, amor charitatis, atque ad æternam vitam doctrinæ suæ filios justi studio incitans, quos erudiebat hortatu, præveniebat exemplo, quæ docebat agens, et quæ agebat docens, nec aliud ore promens, aliud corde volvens; sed quod ore docebat, opere corroborabat, et quale habebat verbum, talem et vitam; qualem etiam vitam, tale quoque verbum. Summa quoque bonitate subditos regebat, summa severitate semetipsum domabat. Non satis erat terribilis in subjectis, nimium valde austerus in piaculis, in se servabat censuram, in alios præferebat justitiam. Rigore utebatur in discussione justitiae, misericordia in definitione sententiae. Districcionis vero censuram semper temperabat misericordia, sciens scriptum, quia in eo quod judicat quis judicandus est (Matth. vii); et quod potentes potenter tormenta patientur (Sap. vi), et quod iudicium erit durissimum his qui præsunt (ibid.). Haec ergo sedula mente pertractans in omni actione discretionem tenuit, nec in illo penitus imperate se gessit, sed omnia diligenter distinguens, et in disciplina et in modestia modum semper ac temperamentum servavit, diligens in primis Dominum ex toto corde, ex tota anima, atque ex tota virtute; deinde proximum sicut seipsum (Matth. xxii). In lege Domini sine lassitudine persistens, mores bonos nulla noxia conversatione inquisibat, vitam temporalem pro exsilio dicens, vitam æternam omni concupiscentia spirituali desiderabat. Actus vitae sue omni hora custodiens, oeu-

A lum mentis suæ ad Deum semper defixum habebat, ab omnibus quæ lex vetat solerti cura abstinenſ, a cogitatione quoque noxia animam revocabat, sciens hominem et de cogitationibus judicandum. Nihil præterea de se præsumens, bona a se facta divino muneri ascribebat, odientes etiam ad pacem invitans, discordes ad concordiam revocabat. Consilium et opus suum ad Deum semper convertens, in omni conatu suo Christi auxilium flagitabat. Pedes ejus semper directi ad evangelizandum pacem, ad evangelizandum bona, sub specie honesta animo benigno incedebat. Ac sicut fideli servus et prudens, quem constituit Dominus super familiam suam, ut det illis cibum in tempore necessario, sic populum sibi commissum omnimodis festinabat spiritali reficere cibo, clementer docens, optime instruens, a consuetudine peccandi tota omnes virtute retrahere nitens. Erat præterea spiritu fervens, sollicitudine impiger, moribus clarus, operibus ornatus omniq[ue] suavitate conspicuus, in oratione assiduus, in jejuniis strenuus, in eleemosynis largus, atque ita inter divites et pauperes medius, ut pauperes cum quasi patrem, divites quasi superiorem sibi aspicerent. Ipse enim non ad personæ potentiam, sed potius ad morum elegantiam attendebat, et tanto unumquemque eminentius honorabat, quanto vivere sanctius didicerat. Erga egenos quoque et advenas ita se sollicitum exhibebat, ut vere Christus esse in ipsis fide integra crederet, et non tam illis quod conferebat, quam ipsi Christo se eadem conferre gauderet. Ipsi quidem ministrabat cibum, et oculis suspiciebat eolum. Ipsi alimenta præbebat, et Christum cum fiducia invocabat. Ulnas tendebat in dando, mercedem procul dubio exspectans ex alto. Nam quantum molem substantiae Stephanus disperserat amore Dei succensus, nostrum non est tantum referre. Quem enim pauperem non ejus penetravit eleemosyna? aut quis clericorum non ejus substantia refocillatus est? Quis peregrinus non ejus est receptus hospitio? aut quibus advenis non suum impedit obsequium? quos curiosissime omnibus locis perquirens, damnum suum putabat si quisquam debilis aut esuriens beneficio sustentaretur alterius. Ardentissima quippe fide toto Salvatori animo conjunctus, reddebat ei quod ab ipso accepérat, ac per singulos ejus famulos Christum se videre credens, quidquid in illis conferret, contulisse se in Deum lætabatur, illud semper revolvens quod Dominus in Evangelio dicit: *Beati misericordes, quoniam ipsi misericordiam consequentur* (Matth. v). Et illud: *Sicut aqua extinguit ignem, ita eleemosyna extinguit peccatum* (Eccli. in). Et illud: *Facite vobis amicos de iniquo manmona, qui vos recipiant in æterna tabernacula* (Luc. xvi). Et: *Date eleemosynam, et ecce omnia munda sunt vobis* (Luc. xi). Hujusmodi sanctus Stephanus studiis exercitatus divina gratia comitatur uberior.

XVI. De extollentia sermonum illius atque scientiae.

Et inter cætera bona sermo quoque ejus sapientiae atque scientiae et consolationis sale affluenter conditus erat. Humilitatem autem Christi supra modum et charitatem æqualiter possidebat. Non præponebat in honore locupletem pauperi, nec principem vel nobilem subjecto vili præferebat; sed his se austriorem exhibens, illis modestiorem præstebat. Discipulos quoque suos non affligebat magistrorum more; sed benigne ac modeste fraterna charitate diligebat. Jam vero in perversis tolerandis æquanimitas qualis et quanta patientia erat? Instabat nimirum incredulos ad fidem suadendo flectore, obsequio ingratos lenire, contradicentibus leniter respondere, superbos humiliter supportare, existebatque ad omnem tolerantiam fortis, ad sustinendam injuriam mitis, ad faciendam misericordiam facilis. Tribuebat egenis substantiam, committens Christo pecuniam, ut ab ipso æterna perciperet præmia, dicebatque res suas non esse suas, sed pauperum, quorum procurationem quodammodo agere videbatur. Denique omnes opes in thesauris cœlestibus largiendo egenis condens, cunctam supellectilem justa operatione ad paradisum removebat, illic videlicet transferens, ubi fructus caperet possessio:is æternæ, illic thesauros abscondens, ubi feliciter glorioseque viveret sine fine. Erat præterea hic idem vir beatus in fide Christi firmus, in opere justus, in judicio providus, in humilitate perfectus, in devotione præcinctus, moribus suavissimus, sensu doctissimus, animo pacificus, corde piissimus. Tenebat jugiter in actibus sinceritatem, in corde puritatem, in opere virtutem, in moribus disciplinam. Gerebat in simplicitate innocentiam, in charitate concordiam, in humilitate modestiam, in administratione diligentiam, in adjuvandis laborantibus vigilantiam, in fovendis pauperibus misericordiam, in defendendis dogmatibus constantiam. Eratque semper sermo ejus charitate et lenitatem conditus, quo mentes audientium tanquam luminare lucidissimum irradiebat. O vere imitabilem virum! O senien Abrahæ benedictum! O præferendum omnibus Stephani exemplum! Jure itaque Abrahæ filius nuncupatur, dum ordinem gloriæ paternæ dignitatis exequitur. Merito, inquam, Abrahæ soboles ascribitur, sive scilicet, non genere; imitatione, non progenie; devotione, non stirpe. Nempe Abrahæ benedictio meruit filium. Stephanus vero benedictus transfertur in numero filiorum. Ille Domino obtulit filium, iste potiora donis omnibus obtulit semetipsum. Et Abraham quidem tradidit hæredem, hic nihilominus hæreditatem. Ille sobolis innocentiam, hic omnem substantiam. Necessæ ergo est ut similitudo officiorum similitudinem conferat meritorum. Postremo Abraham quod habuit pignus exhibuit; Stephanus vero totum quod habere in mundo potuit, Domini juri arbitrioque commisit.

A Sed longam nunc est per singula virtutum ejus insignia verbis ire; præsertim cum liber jani supra modum refertus finem postulans sermonem rejiciat, et ariditas nostri sermonis attenuata, velutique longo tramite pene defessa, succumbat: non quod omnia quæ de B. Stephano narranda erant expleverit, quippe qui nec ad centesimum ejus, ut ita dixerim, attingere potuit, quanta in eo bonorum omnium ornamenta quæ sunt vel pretiosa vel maxima, quæ supernæ remunerationis contulerit prærogativa; sed quod velut quidam eminens in sublimi scopolus magna jam ex parte adultus, ipsa sui prolixitate fronti se enarrantis opponat. Considerimus enim non nostris, sed ipsius meritis opus coeptum fidelerat atque feliciter ad finem usque perducere, si ipse dignetur pro nobis Christum Dominum interpellare in cœlis, qui ejus munere meruit tanta mirabilia operari in terris per eundem Dominum nostrum, qui cum Deo Patre et Spiritu sancto vivit et regnat in sæcula sæculorum. Amen.

Incipiunt versus de virtutibus ejusdem.

Grandimontensis fundator religionis
Post Christum Stephanus trivit caput ambitionis.
Hic fuit Arvernus, natalis gloria gentis,
Rex erat æternus tutela viri sapientis.
Christi discipulus fuit in Christo studiosus,
Excelsi fanulus fuit excelsus pretiosus.
Se Domino junxit, Deus hunc intrinsecus unxit.
Ipse Dei cultor, rigidusque sui fuit ultor.
Regi sidereo servire fruique trephæo
Vir contendebat, carnemque domare studebat,
Miles regalis mundi scelus exitialis
Vincere sudabat, sursumque volare parabat.
Nigris præclarus fuit hostibus hostis amarus,
Actibus et dictis erat oppositus maledicis.
Hic animam fovit, cui carnem subdere novit.
Se Domino vovit, quæ sunt removenda removit.
Urbis opes sprevit, meritorum culmine crevit.
Justitia plenus, dives fuit hic et egenus;
Maximus et minimus fuit, et sublimis et imus,
Hinc divina virum fecit clementia mirum.
Felici vita felix erat hic eremita,
Vir fuit angelicus, divinæ legis amicus.
D Provida simplicitas in Patre sacro renitebat;
Florida virginitas in Patre pio redolebat;
Intima nobilitas hunc maturum faciebat.
Cum decus esset ei sublimis progeniei,
Nobilitas morum magis hunc reddebat honorum.
Virgo columbinus fuit a colubro peregrinus;
Vir Domino plenus fuit, a lubricis alienus;
Vir Domino gratus meritis erat irradiatus.
Diutius lotum cor fixit in æthere totum.
In Stephano nituit lumen vivæ rationis;
In Stephano viguit robusti sudor agonis,
Agnus eum docuit fraudeni vitare draconis;
Agnus ei tribuit robur cassare leonis.
Summopere studuit placare caput bonitatis,
Et, quantum valuit, caput obruit impietatis.

Junctus amore polo gaudebat principe solo.
 Princeps præclarus, fainulo super omnia charus,
 Illi solamen felix erat atque juvamen,
 Et dilectoris custos erat omnibus horis;
 Vir mentis mundæ gemitus promebat abunde,
 Anxius et latus fundebat flumina fletus,
 Culpæ culpator, gregis exstitit ædificator.
 Pacis plantator, litis fuit evacuator,
 Juris servator, fraudis fuit annihilator.
 Intus et exterius fieri cupiens homo divus.
 Stantia quærebat, labentia despiciebat,
 Christo vivebat, mundoque mori satagebat,
 Regia captabat, se regi sacrificabat,
 Lucida curabat, virtutum luce micabat.
 Patris sedulitas erroris facta cavebat,
 Hermicolæ bonitas pietatis gesta gerebat,
 Belligeri probitas inimici tela serebat,
 Virginis integritas amplexum regis amavat.
 Hic caruit vitio tenebrosæ duplicitatis,
 Quod nituit radio reverendæ simplicitatis,
 Credere consilio non cessavit deitatis,
 Affectu nimio sociari glorificatis,
 Gliscens corde suo coluit regem pietatis.
 Eius ille fuit dulcedine spirituali,
 Militiae studuit fore censors imperiali.
 Ille sibi displicuit luxus misera brevitatis,
 Quod sibi rex tribuit vel perpetua novitatis.
 Multimodæ viguit virtutis nobilitate,

A Inde frui meruit paradisi prosperitate.
 Simplex et rectus cœlesti melle refectus,
 Tam dape carnali quam cibo spirituali,
 Multos pascebat, nudos vestire studebat,
 Christo reddebat quod Christus ei tribuebat,
 Pastor laudandus, mirabilis et venerandus,
 Summi pastoris vigil inquisitor honoris.
 Impia nolebat, divinum velle volebat.
 Pectore prudenti plaudebat Cunctipotenti.
 Regi glorifico psallebat corde pudico.
 Patri mirando resonabat pectore blando.
 Regi festivo jubilabat pectore vivo.
 Laus Psalmatoris vox ejus cordis et oris,
 Is respondebat menti Dominoque placebat.
 Nectare divino perfusum pectus habebat,
 B Aures divinas cordis clamore replebat,
 Et precis ejus oder plus thure Deo redolebat.
 Ad Domini nutum Domino parere statutum,
 Dives ditavit, mirandus mirificavit,
 Summus honoravit, sublimibus adnumeravit.
 Flos eremitarum lucrum sitiens animarum,
 Quod nocet horrebat, quod proficit esuriebat,
 Noxia vellebat, semenque salubre screbat.
 Sævos mulcebat, lascivos corripiebat,
 Duros flectebat, depresso subveniebat;
 Quod lupus urgebat ad ovile redire monebat,
 Quod manet ardebat, quidquid fugit effugiebat.

LIBER SENTENTIARUM SEU RATIONUM SANCTI STEPHANI

Institutoris ordinis Grandimontensis, vulgo *Bonorum Hominum*.

(*Maximes de saint Etienne, instituteur de l'ordre de Grandmont, dit des Bons-hommes; traduites des originaux du saint par Adrien BAILLET. Paris, 1707, in-12.*)

PROLOGUS.

Multis modis dominus Stephanus discipulos suos edocebat qualiter se de vita sua inquirentibus responderent, hoc eis dicens : « Fratres, ne miremini si nonnulli a vita vestra, majoribusque dissentiant, quandoquidem ab eo quod illi tenent dissidentis, et non vultis eos sequi in hoc quod faciunt. Quid igit vos de illis admiramini? a cæteris vero religiosis minime requiritur quam Regulam teneant. Nam vestimentum indicat de quibusdam. Iste sunt in Regula sancti Augustini, et ab iis tenetur Ordo sancti Benedicti. Itaque, fratres, a multis vobis dicitur : Novitas est hoc quod a vobis tenetur; nec est ordo, nec regula doctorum sanctæ Ecclesiæ.

C Sed quamvis ille qui hoc vobis dixerit, habeat indumenta signumque religionis, dico vobis firmiter quod vitam suam abnegavit, ignorans quid sit ordo vel Regula. Cui vos hoc modo respondete :

RESPONSIO FRATRUM.

« Quandoquidem vitam nostram ac mores reprehenditis, ostendite nobis in quo : et libenter emendabimus, si auctoritate evangelica nobis hoc indicare potestis. Deinde, fratres, si confessim ille vobis non respondeat, incipite ei mentionem facere vestiarum institutionum hoc modo : Nunquid pastor noster propter hoc excedit ordinem, vel Regulam, quia permanendo in claustrō suo curam gerit, cum adjutorio divinæ gratiæ, animarum discipulorum